

## ԲՈՒԶԱՆԴԱՐԱՆ ՊԱՏՄՈՒԹԻՒՆԸ

### ԽՈՍՏԱԲԱՆՈՒԹԻՒՆ ՆԱԽԱԳԻՏԵԼԻ

1 Այս ինչ է ի դպրութիւնս երրորդ՝ պատմութեանցս. ժամանակագիր կանոնք մատենից, եւ առ նմին դպրութիւնք երեք, այս ինքն են սոքա չորք մատեանք. եւ չորեքին միոյ իրաց յիշատակարանք են, յիշեցուցիչք պատմութեանց ազգացն Յայաստան աշխարհին որդւոց Թորգոմայ: 2 Այս ինքն կարգ անցելոց իրաց, գործք եւ վարք մինչեւ ցիւրաքանչիւր ելս յաշխարհես քահանայապետաց սրբոց արանց Աստուծոյ, եւ թագաւորաց տերանց աշխարհաց Արշակունեաց, եւ զաւրավարաց՝ արանց անուանեաց քաջ նախարարաց, եւ խաղաղութեան եւ պատերազմին եւ շինութեան եւ աներածոյ եւ արդարութեան եւ անարեւնութեան եւ աստուածպաշտութեան եւ ամբարշտութեան. ժամանակագիր արարեալ ի թագաւորութենէն Խոսրովու որդւոյ Տրդատայ մինչեւ ի միւս վերջին ժամանակն վատթարելոյ թագաւորացն Յայոց. եւ ի քահանայապետութենէն Վրթանայ որդւոյ Գրիգորի առաջնոյ քահանայապետի մինչեւ ցայնոսիկ ի վերջինսն՝ որք կային զխաւորք եպիսկոպոսք Յայոց, մի ըստ միոջէ կարգաւք թուաւք եւ համարաւք կանոնեալ դրոշմեալ նկարեցի իւրաքանչիւր զլիսովք: 3 Եւ չորս խոստմունս չորից չորեցունց դպրութեանցս յիւրաքանչիւր իւր զլուխս պատուաստեցի մինչեւ ի կատարած սորին, առ ի զաւգուտն ժառանգել՝ որք միանգամ կամին սրտի մտաւք հասու լինել սմին գոր ասելոցս եմ: